



Dekan
Tel: ++ 387 33 44 32 69
Fax: ++ 387 33 44 33 95
e-mail: dentalschool@sf.unsa.ba
Adresa: Bolnička 4a, Sarajevo 71000
Bosna i Hercegovina

Dean's
Phone: ++ 387 33 44 32 69
Fax: ++ 387 33 44 33 95
e-mail: dentalschool@sf.unsa.ba
Address: Bolnička 4a, Sarajevo 71000
Bosna i Hercegovina

ODLUKA O IZBORU NAJPOVOLJNIJEG PONUĐAČA JAVNA NABAVKA USLUGE DETALJNE ENERGETSKE ANALIZE SVIH GRAĐEVINSKIH I TEHNIČKIH SISTEMA U OBJEKTU – FAZA I – OTVORENI POSTUPAK

Broj: 02-2-1-267-22/18
Datum: 12.02.2019. godine

Na osnovu člana 64. stav 1. tačka a), člana 70. stav 1., 3. i 6. Zakona o javnim nabavkama („Sl. glasnik BiH“, broj 39/14), Odluke Nastavno – naučnog vijeća broj: 01-4-198-10/18 od 04.10.2018. godine, Odluke Upravnog odbora Univerziteta u Sarajevu o Izmjeni i dopuni plana javnih nabavki Stomatološkog fakulteta sa klinikama u Sarajevu broj: 02-267/18 od 14.11.2018. godine, Odluke o pokretanju postupka javne nabavke broj: 02-2-1-267-1/18 od 31.12.2018. godine, Odluke o imenovanju Komisije broj 02-2-1-267-2/18 od 31.12.2018. godine, člana 8. Pravilnika o radu Komisije za javne nabavke Stomatološkog fakulteta sa klinikama u Sarajevu broj: 01-4-76-3/18 od 06.02.2018. godine, Preporuke Komisije za javnu nabavku broj: 02-2-1-267-20/18 od 25.01.2019. godine, Odgovora Agencije za javne nabavke BiH broj: 02-2-1-226-2/19 od 23.01.2019. godine, u postupku Javne nabavke usluga detaljne energetske analize svih građevinskih i tehničkih sistema u objektu – faza I, Dekan Stomatološkog fakulteta sa klinikama u Sarajevu, donio je:

ODLUKU O IZBORU NAJPOVOLJNIJEG PONUĐAČA

Član 1.

Prihvata se Preporuka Komisije za javnu nabavku, broj: 02-2-1-267-20/18 od 25.01.2018. godine, te Ugovor za javnu nabavku usluga detaljne energetske analize svih građevinskih i tehničkih sistema u objektu – faza I dodjeljuje se ponuđaču **EUROING d.o.o. Bihać**, ponuda broj: 02-2-1-267-13/18 od 21.01.2019. godine, za ponudenu cijenu od 14.900,00 KM bez PDV-a, kao ekonomski najpovoljnija ponuda i ponuda koja je ocjenjena najvećim brojem bodova, a u skladu sa članom 64. stav 1. tačka a) Zakona o javnim nabavkama BiH.

Član 2.

Prijedlog Ugovora o nabavci dostavit će se na potpis izabranom ponuđaču po isteku roka od 15 dana, računajući od dana kada su svi ponuđači obaviješteni o izboru najpovoljnije ponude.

Član 3.

Za izvršenje ove Odluke zadužuje se i ovlašćuje Sekretarijat Fakulteta.

Član 4.

Ova Odluka objavit će se na www.sf.unsa.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 5.

Ova Odluka stupa na snagu danom donošenja i dostavlja se zajedno sa Zapisnikom o ocjeni ponuda svim ponuđačima koji su učestvovali u postupku javne nabavke, u skladu sa članom 71. stav 1. i 2. Zakona o javnim nabavkama.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-02-2-1-267-1/18 od 31.12.2018. godine.

Javna nabavka je provedena putem otvorenog postupka.

Procijenjena vrijednost javne nabavke bez PDV-a je 25.000,00 KM.

Obavještenje o nabavci broj: 48-1-2-35-3-52/18 poslano je na objavljivanje dana 31.12.2018. godine u 12:40 časova.

Komisija za javnu nabavku imenovana je Odlukom broj: 02-2-1-267-2/18 od 31.12.2018. godine.

Komisija za javnu nabavku je započela sa radom 21.01.2019.godine, te je dostavila Zapisnik sa otvaranja ponuda broj: 02-2-1-267-12/18 od 21.01.2019. godine, Zapisnik o ocjeni ponuda broj: 02-2-1-267-19/18 od 25.01.2019. godine i Preporuku broj: 02-2-1-267-20/18 od 25.01.2019. godine u postupku javne nabavke usluga detaljne energetske analize svih građevinskih i tehničkih sistema u objektu – faza I.

U postupku javne nabavke po Zapisniku sa otvaranja ponuda utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila zapisnike u kojima je utvrđeno slijedeće:

- da je ukupan broj pristiglih ponuda 3 (tri);

- da je broj blagovremeno zaprimljenih 3 (tri);
- da nema neblagovremeno zaprimljenih ponuda.

Ugovoreni organ se dana 23.01.2019. godine obratio Agenciji za javne nabavke upitom broj: 02-2-1-267-17/18: „Naime, prema tenderskoj dokumentaciji pod brojem 28. definisano je: **„28. Trošak ponude i preuzimanje tenderske dokumentacije**

Trošak pripreme ponude i podnošenja ponude u cjelini snosi ponuđač.

Tenderska dokumentacija se može preuzeti na slijedeći način:

- na portal www.ejn.gov.ba (uslov za e-aukciju koja je predviđena) najkasnije do **14.01.2019.godine;**”

Obzirom da je tenderska dokumentacija za dvije od ukupno tri pristigle ponude, preuzeta putem posrednika (ekapija i sl.), nismo u mogućnosti provesti e-aukciju.

Da li naprijed navedeno znači da dvije ponude, za koje je tenderska dokumentacija preuzeta putem posrednika, ne ulaze u proceduru kao prihvatljive, te da se kao jedini kvalifikovani ponuđač ocjenjuje obzirom da je preuzeo dokumentaciju putem portala javnih nabavki.“

Dana 23.01.2019. godine Agencija za javne nabavke je dostavila svoj odgovor broj: 02-2-1-226-2/19 u kojem navodi: „ .. dakle, da bi ponuđač učestvovao u postupku javne nabavke za koji je tenderska dokumentacija objavljena na Portalu, nije dovoljno da ponuđač bude registrovan, već i da preuzme tendersku dokumentaciju za konkretni postupak. Onog momenta kada ponuđač preuzme tendersku dokumentaciju, ima mogućnost, kao što je već navedeno, da sam kreira izvještaj o preuzimanju iste kao dokaz preuzimanja i kao dokaz blagovremenosti eventualnog korištenja pravnih lijekova, kao i mogućnost postavljanja upita ugovornom organu vezano za pojašnjenje tenderske dokumentacije. Kada je preuzimanje tenderske dokumentacije sa Portala javnih nabavki jedini način preuzimanja, što je jedino ispravno i u skladu sa pomenutim Uputstvom, tada ponuda ponuđača koji nije preuzeo tendersku dokumentaciju na Portalu ne može biti uopće predmet razmatranja. Bitno je ponoviti da kada ugovorni organ objavi tendersku dokumentaciju u sistemu „e-Nabavke“, tenderska dokumentacija se ne može dostavljati na druge načine, niti ponuđači mogu dolaziti u posjed tenderske dokumentacije na drugi način. U protivnom, pojaviti će se različiti problemi koji se tiču objave obavještenja, odnosno dostave izvještaja, a potrebno je i pomenuti da bi u toj situaciji došlo i do kršenja odredbi Zakona i podzakonskih akata koji se tiču dostavljanja i preuzimanja tenderske dokumentacije. Smatramo za bitnim istaći da sistem „e-Nabavke“ operateru, odnosno članovima komisije za nabavke na datom postupku, šalje (na email) notifikaciju prilikom preuzimanja tenderske dokumentacije od strane ponuđača. Pored toga sistem „e-Nabavke“ omogućava kreiranje izvještaja o preuzimanju tenderske dokumentacije, što ugovorni organ treba i učiniti u procesu analize i ocjene ponuda. Stoga, u procesu evaluacije ponuda, ponuda ponuđača koji nije preuzeo tendersku dokumentaciju na Portalu javnih nabavki **ne može biti predmetom ocjene**. Koristimo priliku napomenuti da pojedini ponuđači koji su registrovani u sistemu, bez namjere da učestvuju u postupku javne nabavke, vrše preuzimanje tenderske dokumentacije koju šalju svojim klijentima na različite načine (poštom, faksom, mailom i sl.) smatrajući da im čine uslugu. Ponuđač koji na takav način dođe u posjed tenderske dokumentacije ne može biti učesnik u postupku javne nabavke, jer se radi o načinu koji nije predviđen članom 55. Zakona.“

Dana 24.01.2019. godine Ugovorni organ je zaprimio predmet firme Star Co d.o.o. u kojem je obavijestio da povlači ponudu koju su dostavili za izradu detaljne energetske analize svih građevinskih i tehničkih sistema u objektu, broj nabavke: 02-2-1-267/18.

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu prispjelih ponuda u skladu sa kriterijima iz tenderske dokumentacije.

Naime u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je izabrani ponuđač **EUROING d.o.o. Bihać** ocijenjen po kriteriju ekonomski najpovoljnija ponuda na osnovu kriterija utvrđenih u Obavještenju o nabavci broj: 48-1-2-35-3-52/18 i tenderskoj dokumentaciji. Ekonomski najpovoljnija ponuda iznosi 14.900,00 KM bez PDV-a.

U vezi sa naprijed navedenim, Komisija za javnu nabavku usluga detaljne energetske analize svih građevinskih i tehničkih sistema u objektu – faza I dostavila je Dekanu Preporuku o izboru najpovoljnijeg ponuđača broj: 02-2-1-267-20/18 od 25.01.2019. godine.

Iz navedenih razloga, člana 64. stav 1 tačka a) Zakona o javnim nabavkama, te člana 8. Pravilnika o radu Komisije za javne nabavke Stomatološkog fakulteta sa klinikama u Sarajevu broj: 01-4-76-3/18 od 06.02.2018. godine, odlučeno je kao u članu 1. ove Odluke.

POUKA O PRAVNOM LIJEKU:


Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

*Pripremila i za usklađenost sa zakonskim
i podzakonskim aktima odgovara:*

Fahreta Hrustemović

Akt kontrolisao: Amina Karić

Akt odobrio: Prof.dr.sci Sadeta Šečić



Prilog:

Zapisnik o ocjeni ponuda: 02-2-1-267-19/18 od 25.01.2019.

Dostaviti:

- Ponuđaču **EUROING d.o.o. Bihać**
- **nLogic d.o.o. Sarajevo**
- **Komisija za javne nabavke**
- *a/a*

UNIVERZITET U SARAJEVU
STOMATOLOŠKI FAKULTET
SARAJEVO
BOSNA I HERCEGOVINA



UNIVERSITY OF SARAJEVO
SCHOOL OF DENTISTRY
SARAJEVO
BOSNIA AND HERZEGOVINA

Dekan
Tel: ++ 387 33 44 32 69
Fax: ++ 387 33 44 33 95
e-mail: dentalschool@sf.unsa.ba
Adresa: Bolnička 4a, Sarajevo 71000
Bosna i Hercegovina

Dean's
Phone: ++ 387 33 44 32 69
Fax: ++ 387 33 44 33 95
e-mail: dentalschool@sf.unsa.ba
Address: Bolnička 4a, Sarajevo 71000
Bosna i Hercegovina

- ZAPISNIK O OCJENI PONUDA -

Broj: 02-2-1-267-19/18
Sarajevo, 25.01.2019.

Na osnovu člana 65. stav 2. Zakona o javnim nabavkama („Sl. glasnik BiH“, broj 39/14), Odluke o imenovanju Komisije za javnu nabavku broj: 02-2-1-267-2/18 od 31.12.2019. godine, Komisija za javnu nabavku sačinila je

ZAPISNIK O OCJENI PONUDA

u predmetu javne nabavke: **USLUGE DETALJNE ENERGETSKE ANALIZE SVIH GRAĐEVINSKIH I TEHNIČKIH SISTEMA U OBJEKTU – faza 1**

1. PODACI O PREDMETU JAVNE NABAVKE:

Naziv javne nabavke:	USLUGE DETALJNE ENERGETSKE ANALIZE SVIH GRAĐEVINSKIH I TEHNIČKIH SISTEMA U OBJEKTU – faza 1
Vrsta predmeta javne nabavke:	Usluge
<i>VRSTA POSTUPKA:</i>	Otvoreni postupak
Naziv i oznaka iz Jedinственог rječnika javnih nabavki:	USLUGE DETALJNE ENERGETSKE ANALIZE SVIH GRAĐEVINSKIH I TEHNIČKIH SISTEMA U OBJEKTU JRJN: 71241000-9
Odluka o pokretanju postupka javne nabavke:	02-2-1-267-1/18 od 31.12.2018.
Evidencioni broj javne nabavke:	02-2-1-267/18
Procijenjena vrijednost javne nabavke (bez PDV-a):	25.000,00 KM
Obavještenje o nabavci broj:	48-1-2-35-3-52/18 od 31.12.2018.
Zapisnik sa otvaranja ponuda:	02-2-1-267-12/18 od 21.01.2019. godine

2. PODACI O KOMISIJI ZA JAVNU NABAVKU:

Komisija za javnu nabavku imenovana je Odlukom broj: 02-2-1-212-2/18 od 29.10.2018. godine, u sljedećem sastavu:

1. Doc. dr. sc. Emir Berhamović, predsjednik
2. Prof. dr. sc. Sedin Kobašlija, član
3. Dipl. iur. Edisa Lišić, član
4. Prof. dr. sc. Sanja Hadžić, zamjenski član
5. Prof. dr. sc. Alma Konjhodžić, zamjenski član
6. Safija Sultanić-Majunović, sekretar
7. Amina Čaršimamović, zamjenski sekretar

Sastanku prisustvuju zamjenski predsjedavajući prof. dr. sc. Sanja Hadžić, član prof. dr. sc. Sedin Kobašlija, član dipl. iur. Edisa Lišić i sekretar Komisije za javnu nabavku.

Komisija za javnu nabavku je započela sa radom dana 21.01.2019. godine, sa početkom u 11:15 časova.

3. PODACI O PRISTIGLIM PONUDAMA:

Naziv / ime ponuđača				
Blagovremene ponude / datum i vrijeme prijema		Neblagovremene ponude / datum i vrijeme prijema		
1.	Euroing d.o.o. Bihać	21.01.2019. 08:45	-	-
2.	nLogic d.o.o. Sarajevo	21.01.2019. 10:15		
3.	Star Co d.o.o. Sarajevo	21.01.2019. 10:15		

Krajnji rok za prijem ponuda bio je: 21.01.2019. godine do 11:15 časova.

4. NAZIVI / IMENA PONUĐAČA ČIJE SU PONUDE ODBIJENE I RAZLOZI ZA NJIHOVO ODBIJANJE:

Broj pod kojim je ponuda zavedena	Naziv / ime ponuđača	Razlozi za odbijanje ponude
02-2-1-267-14/18	nLogic d.o.o. Sarajevo	Ponuđač nije preuzeo tendersku dokumentaciju na stranici Agencije za javne nabavke (www.ejn.gov.ba) što je i preduslov za provođenje e-aukcije, a kako je navedeno pod brojem 28. Trošak ponude i preuzimanje tenderske dokumentacije - Trošak pripreme ponude i podnošenja ponude u cjelini snosi ponuđač. Tenderska dokumentacija se može preuzeti na slijedeći način: - na portal www.ejn.gov.ba (uslov za e-aukciju koja je predviđena) najkasnije do 14.01.2019. godine.

02-2-1-267-15/18	Star Co d.o.o. Sarajevo	Ponudač nije preuzeo tendersku dokumentaciju na stranici Agencije za javne nabavke (www.ejn.gov.ba) što je i preduslov za provođenje e-aukcije, a kako je navedeno pod brojem 28. Trošak ponude i preuzimanje tenderske dokumentacije - Trošak pripreme ponude i podnošenja ponude u cjelini snosi ponudač. Tenderska dokumentacija se može preuzeti na slijedeći način: - na portal www.ejn.gov.ba (uslov za e-aukciju koja je predviđena) najkasnije do 14.01.2019. godine.

5. NAZIV / IME PONUĐAČA ČIJA JE PONUDA OCIJENJENA KAO EKONOMSKI NAJPOVOLJNIJA PONUDA:

Komisija za javnu nabavku, nakon pregleda i ocjene ponuda, konstatuje da je jedini ponuđači koji je ispunio kvalifikacione uslove i dostavio traženu dokumentaciju, te da je njegova ponuda ujedno ekonomski najpovoljnija ponuda i predlaže njegov izbor:

PODACI O NAJPOVOLJNIJEM PONUĐAČU		
1.	Naziv / ime ponuđača	EUROING d.o.o.
2.	Adresa	Mehmeda Džanića Lamela 1, 77 000 Bihać
3.	Ukupna cijena ponude bez PDV-a	14.900,00 KM
4.	Ukupna cijena ponude sa PDV-om	17.433,00 KM

5. OBRAZLOŽENJE

Izmjenom i dopunom Plana javnih nabavki Stomatološkog fakulteta sa klinikama u Sarajevu za 2018. godinu, te Odlukom Upravnog odbora Univerziteta u Sarajevu broj: 02-267/18 od 14.11.2018. godine predviđena je nabavka usluga – Usluge detaljne energetske analize svih građevinskih i tehničkih sistema u objektu – faza 1 na Stomatološkom fakultetu sa klinikama.

Dana 31.12.2018. Dekan Stomatološkog fakulteta sa klinikama je svojom Odlukom broj 02-2-1-267-1/18 pokrenuo postupak javne nabavke usluga detaljne energetske analize svih građevinskih i tehničkih sistema u objektu – faza 1.

Komisija je imenovana Odlukom broj: 02-2-1-267-2/18 dana 31.01.2018. godine.

Nakon otvaranja i pregleda pristiglih ponuda Komisija za javnu nabavku usluga detaljne energetske analize svih građevinskih i tehničkih sistema u objektu – faza 1 je konstatovala da su pristigle 3 (tri) ponude, od kojih dvije nisu preuzele tendersku dokumentaciju putem stranice Agencije za javne nabavke (www.ejn.gov.ba), te samim tim nisu ispunile kvalifikacione uslove za nastavak učešća u postupku. Ponuđači koji dođu u posjed tenderske dokumentacije koji nije predviđen članom 55.

Zakona o javnim nabavkama ne mogu biti učesnici u postupku javne nabavke, a na osnovu naprijed navedenog.

U vezi naprijed navedenog Komisija za javnu nabavku će dostaviti Preporuku Dekanu o izboru ponuđača koji je zadovoljio uslove prema tenderskoj dokumentaciji i tehničkoj specifikaciji za nabavku – usluga detaljne energetske analize svih građevinskih i tehničkih sistema u objektu i predložiti izbor istog.

Sastanak Komisije za javnu nabavku okončan je dana 25.01.2019. godine u 12:30 časova.

Zapisnik sačinila:

Amina Čaršimamović

Amina Čaršimamović, zamjenski sekretar Komisije za javnu nabavku

KOMISIJA ZA JAVNU NABAVKU:

1. Prof. dr. sc. Sanja Hadžić, zamjenska predsjedavajuća
2. Prof. dr. sc. Sedin Kobašlija, član
3. Dipl. iur. Edisa Lišić, član

Sanja Hadžić
Sedin Kobašlija
Edisa Lišić